



Universitätsbibliothek Paderborn

**Floremundi Raemundi V. Cl. Olim Consiliarii Regis
Galliarvm Ex Calviniano Catholici Synopsis Omnia hujus
temporis Controversiarum tam inter Lutheranos,
Calvinistas quam alios plurimos. Sive Historia ...**

**Raemond, Florimond de
Coloniae Agrippinae, 1655**

caput quintum. Quomodo Carolus V. Imperii Ferdinando fratri, & suarum
ditionum administrationem Philippo filio commiserit.

urn:nbn:de:hbz:466:1-10880

QUOMODO CAROLUS V. IMPERII

Ferdinando fratri, & suarum ditionum administrationem Philippo filio commiserit.

CAPUT QUINTUM.**ARGUMENTUM.**

- I. Caroli V. Imperatoris consilia & conatus.
- II. Oratio qua ad proceres Belgii uetus est.
- III. Philippus II. paternas ditiones regendas capessit.
- IV. Caroli V. Imperatoris secessus.
- V. Eius religio & devotio.
- VI. Aliae insignes virtutes.

Cum igitur ad hunc modum Italia ab Hæresi immunis persisteret Dei beneficio, Germania autem veluti Colicis passionibus & tormentibus viscerum suorum dilaniaretur, Imperator Carolus V. variis fortunæ casibus exercitus, tandem rerum humanarum pertusus imperio ac regnis omnibus abdicare se, eaque tantum quæ ad animæ salutem pertinent curare, post Imperium triginta sex annos feliciter administratum, decrevit, quamvis ab hoc consilio multa cum revocarent, cum primis incerta Germaniæ pax, quam ob non adversam jam, sed afflictam valetudinem, quibus opus erat præsidii stabilire, noadum licuerat, necessaria morbis ejus remedia adhibere haec tenus neque potuerat. Nihilominus tamen, & ut afflictæ valetudini confuleret, & florentem filij juventutem potentissimi ac felicissimi haec tenus Galliarum Regis fortunæ opponeret; missis ad Electores litteris, & ad Ferdinandum fratrem Imperii insignibus, privatam post-hac agere vitam, & quod ejus supereret, in solius Dei servitio exigere constituit. Hunc in finem mense Septembri Anno M. DLV. Philippum filium ex Anglia, cuius Rex per Mariam uxorem erat, Bruxellas evocatum, diligenter de rebus omnibus que ad imperium pertinent, eruditiv, inter alia monens, ut cum Franciæ Rege, quo potentiores magisque formidabilem hostem non haberet, pacem faceret, aut temporibus obsecundaret: impensis vero, ut Ferdinandi patrii sui Romanorum, Hungariæ ac Bohemiæ Regis, ejusque filiorum amicitiam omnibus modis conservaret. Deinde ad xxiii. Octobris omnium Ordinum conventum Bruxellas induxit; in quo quum in amplissima pala-

tii aula, frequenti Senatu, magna que Nobilium & omnium Ordinum corona consedisset, hanc fere in sententiam loquutus fertur.

II. *Mibi variis ac dubiis fortuna mea casus, ab eo tempore quo vix undevigesimum etatis annum ingressus, post mortem Maximiliani, Imperio admotus sum, reputanti, quum multa alia Dei in me beneficia occurrunt, tum illud precipue, quod è tot hominum millibus unum me ad summum hunc dignitatis gradum velut sua ipse munu perduxerit. Et ab hostium insidiis semper huc usque clementer custodierit, ipsis etiam meis inimicis in casses quos mihi struxerant, conjectis. Deo ergo immortali ago gratias quantas animi mei angustia capere potest maximas, quod post tot labores exhaustos, tot pericula tam mari quam terra superata, hanc mihi gratiam fecit, ut tantum ejus beneficium, quo me ad hunc usque diem incolumen conservavit, mihi hoc ipso loco vobis presentibus, agnoscere & praedicare liceat. Ex altera parte non possum non deplorare eorum infelicitatem, quibus magna imperia commissa sunt, ob infinitos labores & pericula que comitari eos solent: illud verissime asseverans, postquam à morte domini ac patrio mei, deinde aut materni, tot tantisque regnis ac ditionibus administrandis prefectus sum, non diem, non ullum fere temporis momentum ocio aut privatis voluptatibus me dedisse, quod non multis molestiis fuerit permisum. Hujus rei testes sunt corpus hoc laboribus fractum, & caput hoc jam olim ante tempus canescens. Sunt inter vos multi qui horum meorum laborum aut participes fuerunt, aut certe conscientes sunt: testes mearum actionum fideles. Norunt illi utrum ego causa sim earum calamitatum, quæ jam triginta & amplius annis Christianam Rempublicam affixerunt. Dicant ipsi, quoties pacem ex animo me optasse audierint, adeo ut jure meo non semel cedere voluerim, quo nostra arma contra immanem Christiani nominis hostem conjungentur. Quin ut viam aliis monstrarem, & exemplo preirem, os, ut ipsis nostis, non sine magnis periculis ipse barbaro hosti caput hoc meum objeci, exercitumque opposui, ceteris vero temporibus laboranti Hungarie auxiliu contra Solimanum summis. Quod si omnia ad votum non successerunt, Dei voluntarem agnoscamus, omnis in manu suarentis, qui ob peccata mea permittere noluit, ut tot tantisque victoriis, quas mihi clementer largiri dignatus est, his adjunctis, in solecerem. Quoniam autem ceteris Principibus ad inferenda infidelibus arma viam aperuerim; tantum tamen absit ut illi me sequuti sint, ut etiam eorundem auxilia contra nos evocarint. Idem ditiones meas invaserunt ac vadunt,*

D starunt.

starunt, nescio quid juris in Mediolanensem Ducatum prætententes. Notum est plerisque vestrum, & Deus mihi testis est, qua illis obtulerim, qua tamen accipere illi pertinaciter recusarunt. Nunc illa sola me consolatio sustentat, quod Deus optime novit, quam invictus ad arma venerim, & quidem contra eum hostem, qui agre ferens quod in sed mea collatus non suaseret, deturbare inde summis viribus me velle visus est. Sed conatus eius repressi; quibus modis tacere malo, ne per arrogantiam iterum quasi de hoste triumphare velle videar. Ego per vitam meam magnos & potentissimos habui adversarios, qui plurimum mihi negotii facessiverunt, divina tamen benignitate factum est, ut non illi meum, quod optabant, sed ego illorum finem viderim: quibus illud à Deo precor, ut qui in hac vita quiescere numquam posuerunt, in altera illa placide ac beate quiescant. Ex omnibus vero, Illustres Domini, nihil mihi molestius est atque acerbius, quam quod antequam ex hoc Mundo à vobis discedo, nullam adhuc rationem turbas illas, qua ob religionis diversitatem passim exortae sunt, componendi ac sedandi video: quamvis nulla in re plus cura atque opera posuerim. Deus ignoscat illis qui meis conatibus obfiterunt (& certe bonus hic, & arthritide fractus senex non raro sub onere succumbere quodammodo, atque aliorum potius quam sua consilia sequi fuit coactus) sed quia scilicet revocari non possunt, tempus est ut junioribus locum dem, idque, quod jam olim constitui, tandem exequitioni mandem: id est, ut humeros meos tam gravi onere liberem. Illud vero ego vobis affirmo hunc ipsum diem non minus gratum mihi ac latum fore, quam eum quo Imperiale suscepit coronam. Mihi quidem vires meas expendenti, consilium hoc ita necessarium videtur, ut velim nolim, aliter facere non possim: quumque mortem jam impendentem mihi non procul videam, par est ut vestris rebus propria, ne ille, me defuncto, aliquid accipient detrimenti. Unicum mihi filium Deus dedit, quem praesentem videtis, quem ego ut pater unice amo, quem vos etiam tamquam naturalem vestrum Dominum, diligere & colere par est. Hunc ego vobis, illustres Domini, & quotquot adestis, vobis commendando: rogans vosque adjurans ut juvenem hunc Principem pro decrepito hoc sene accipiat, natum, uti spero, ad vestram omnium utilitatem & salutem. Hoc à vobis impetrare debent non tam preces mea, non tam mea imbecillitas, qua quo me redegerit videris, quam ipsum jus, auctus Dei voluntas; qui nascendi conditione hunc vobis Principem dedit: hacque ipsa

acceptatio in vestram precipue cedet utilitatem. Pro omnibus vero qua in vos à me umquam profecta sunt beneficiis, pro tot laboribus quibus sacra, libertatem, focos, uxores ac liberos vestros defendi, pro omni denique benignitate & mansuetudine, qua erga vos semper usus fui, hoc unum à vobis peto, ut filio huic meo eundem amorem, eandem obedientiam atque observantiam praestis quam mihi patri ejus hattenus praestis. Huic ergo regna, Principatus ac ditiones meas omnes jam trado. Vestrum est in conservanda Dei cultu, in tuenda patriæ libertate, in defendenda iustitia, auxiliares ei manus praestare. Ad me quod attinet, rebus gerendis jam porro inutilem, de medicorum consilio (ersi spes meas omnes in uno illo & cœlesti medico collocatas habeo) in Hispaniam secedere, ibique quod reliquum mihi vita restat, exigere constitui: extremum hoc à vobis petens, ut interim mei memoriam qua pars est benevolentia, tamquam ejus qui vestris commodis omnia posshabuit, usurpetis. Quod si aliquando tributa vobis imposui, id Jane invitus admidum, & non nisi extrema necessitate coactus feci. Filius vero quibus vestris necessitatibus succurrere atque onere vos ex parte sablebare posse, jam ego rationes communbravi. Hunc ego iterum à vobis peto, ut tamquam legitimum meum successorem recipias. Quod si alaceriter vos facientes videro, tanto lubentius ex hac vita discedam, relicto subditis meis bono Principi, & filio meo populo fideli. Hunc vos, tamquam caput vestrum, amate: hunc tamquam à Deo vobis prapositum, observate, pacem & concordiam colite, & in primis Catholicam religionem cura habete. Extremum hoc est quod à vobis spero & peto: nec sane ita de vobis meritus sum ut hoc mihi negare possitis aut debeat, &c.

III. Hæc Cæsar's oratio plerisque adstantium lachrymas expressit: quumque nemo esset qui non optimi Cæsar's voluntati morē gerendum censeret, Philippus filius assurgens, capite detecto, in genua coram patre procubuit: quem ille manu capitatis imposita, Belgij & omnium patrimonialium regnum ac ditionum Principem pronunciat, & ut religionem ac iustitiam colat,hortatur. Sic enim divinum ei auxilium numquam defuturum. Quod ille facturum se recepit, ac Deo simul, patri ac circumstantibus gratias egit, seque commendavit. Post hunc Maria quoque Cæsar's soror Vida Ludovici Hungarorum Regis, Belgij nuper Gubernatrix surrexit, seque Imperio Belgij abdicavit ruptisque Caroli sigillis, Philippus omnem administracionem in se recepit: Carolus vero, redditibus tan-

tum quibusdam sibi reservatis, mense Augusto anno M. D. LVI. in Hispaniam navigavit, maximus omnium post Carolum M. Imperator, &c.

IV. Antonium Pereium, eum qui tam Philipum regem quam res Hispaniae plerasque suis consiliis rexit, quoad à fortuna ex alto deiectus fuit, narrantem me audiisse memini, Imperatorem exscensione facta, ubi primum in terra pedem posuerat, in genua pro voluntate, corpus suum his verbis terræ prima sicut matre reddidisse: *Garda te Deus, ô Madre muy que rida y desserida au sine, &c.* id est: Salve chariflma multumque mihi desiderata mater! Sicut nudus ē ventre matris meæ egfensus sum, ita nudus ad te velut secundam meam matrem revertor: & pro multis meritis quæ à te accepi, corpus hoc meum ægrum, hæcque debilia & lassa mea ossa tibi dono, quum aliud jam non habeam. Quæ verba multis adstantium lachrymis fuerunt excepta.

V. Sic igitur optimus Imperator in monasterio quodam Hieronymianorum, ad vitam solitariam valde commodo, dies noctesque in orationibus aliisque pietatis exercitiis transegit, donec tandem Anno M. D. LVIII. die Septembrii XIV. animam Deo reddidit, in altera vita laborum suorum mercedem recepturus. Antequam moretetur hæc ei quoque felicitas obtigit, quod res à filio sub primis regni auspiciis prospere gestas accepit, profigato Gallorum exercitu, & fano S. Quintini capto; tandem etiam ad Gravelinham eorundem concisis copiis: qua cladum frequentia Gallorum res admodum fluctabant, mox tamen Henrici II. Regis virtute fuerunt recreatae.

Fuit vero Carolus omnibus virtutibus tanto Principe dignis ornatus. Fuisse fertur omnium suorum Consiliariorum prudentissimus, omnium militiae prælectorum fortissimus, omnium Judicium justissimum; felicior tamen in bellis per Legatos, quam ipsius ductu administratis: in rebus prosperis temperans; in adversis constans: tanta vero erga Deum religione & pietate, ut nullum diem abire pateretur quo non faciū audiret, & quo non ulla cum negotia seu pacis seu belli revocabant. Certis diei horis confuetas precationes, easque satis longas, recitabat; neque ullam tum ferebat interpellationem: hæc inquiens arma esse quibus terra oppugnetur, ac cœlum expugnetur. Quam ejus devotionem præfecti militares

impatienti animo ferentes, dicere solebant: *Imperatorem sapius ac longius cum Deo quam cum hominibus loqui.* Quum aliquando precibus intentum quidam à domesticis à Galliæ regis Legatis exoratus, interpellasset, utque eos ad audienciam admitteret, rogasset; exspectare eum iusfit dum preces absolvisset. Illo vero dicente, jamdiu eos exspectasse, ac res magnas habere, quas cum ipso communicari quamprimum, regis ipsum plurimum interesset. Et mea, inquit Imperator, cum rege meo ista communicari quæ jam comunico, multo magis intereat.

VI. Solebat optimus hic Imperator quotiescumque bellum contra Turcas, Hæreticos, Gallos, Anglos, Italos aut quoscumque susciperet, preceptionum libellum sibi ipsi confidere, quas pro re nata formatas, quotidie recitabat. In secessu illo suo mirum est quam religiosam & asperam vitam duxerit, cilicia lacerna læpe induitus, ac loris corpus castigans, nihil denique meditans nisi mortem; cui vicinus flagellum illud & cilicium Philippo II. filio, ut perpetuum paternæ pietatis mnemosynon, asseveranda dedit. Hic quoque decurso jam vitæ spacio, Mundum jam & omnia, quæ paternis adjunxerat, regna relictus, vocato ad se Philippo III. filio, qui rerum nunc potitur, hoc idem præstantissimum, & ultimum quod à manu ipsius accepturus esset, donum obtulit, inquiens, *in nodis illis sanguinem hævere, non suum quidem, sed patris sui: monens que, ut avita pietatis numquam obliviscoretur; ac simul ostendo corpore male affecto & ulceroso, Vide, inquit, mi fili, quo etiam maximos Reges terre mors redigat.* Sed frustra ego ingenii mei vires Caroli V. secundi Constantini laudibus defatigare ac perdere nolo, quas plures Iliades non capiant. Illud tantum addo, quemadmodum in Germaniam à Carolo Magno Christiana religio primum introducta fuit, sic ab hoc altero Carolo, nec minus Magno, eam in Germania fuisse conservatam. Sed quia cum in Hispaniam usque deduximus, non abs re erit ostendere quibus modis ea ab hæresi fuerit præservata.

} :

D 2

DE

